

## La historia da Nadal per famiglias



**NASCHIVS A**

**BEBLEHEM**

**Calender d'advent digital**

**Savida  
Da  
Diu**

**Pleiv Breil/Brigels  
catolica-romana**

### Cars amitgs en Cristus

Ferton che la legrevla fiasta da Nadal s'avischina, envida la Baselgia nus da sepreparar sin ella duront il temps d'advent. Quei cuort temps enteifer igl onn ecclesiastic ei in temps da spetga plein speranza e legria. Nus sepreparein en quellas jamnas sin la commemoraziun dalla naschientscha da Jesus avon varga duamelli onns. Il temps d'advent gida nus da ponderar en tgei moda e maniera che nus essan clamai da dar spazi e schar sviluppar en nus sezs ed en nies sedepurtar la carezia e la veta da nies Salvader Jesus Cristus. Nus duessen prender dapli peda per far oraziun e per reflectar davart il grond regal e misteri che Cristus ei daventaus carstgaun.

Prender part dallas purschidas liturgicas ed ad autras sentupadas che promovon la cumminonza ein in agid leutier.

Quest onn purschein nus naven digl 1. da december in calender d'advent digital. El presenta ils divers eveniments dalla historia dil salit tochen tier la naschientscha dil Salvader.

Quei calender d'advent digital vegn publicaus sin nies canal catechissem per romontsch ed ei d'anflar sin nossa pagina da casa: [www.pleiv-breil.ch](http://www.pleiv-breil.ch), sut la rubrica 'Savida da Diu' ed era sin auters canals da medias socialas.

Jeu engraziel a Florentina Camartin che ha preparau il text per quei calender en in lungatg adatau per famiglias cun affons.

Jeu roghel che quest temps d'advent possi esser per vus e vossas famiglias in temps grazius per sepreparar sin la vegnida dil prenci dalla pasch. Lein seunir ed esser datier in a l'auter en las purschidas liturgicas ed en l'oraziun.

Fagei schi bien ed abonnei quei canal e quei calender digital e communichei el era a vos amitgs e vischins.

Jeu e mias collaboraturas e collaboraturs giavischein a vus da cor in grazius temps d'advent,

*Vies Sur Sajan*